



JAVNA USTANOVA
DOM ZDRAVLJA
ZAVIDOVIĆI

Gazi Husrev-begova 25

tel. (032) 878-877

fax (032) 879-088

e-mail: polikzav@bih.net.ba

web : www.dzzavidovici.ba

Identifikacioni broj: 421812269-0008

PDV broj: 21812269-0008

Žiro računi : ASA Banka d.d. Sarajevo : 134030000000 7482
Raiffeisen bank d.d. BiH Sarajevo – filijala Zenica : 1610550009120069

Broj:01-2.08-4014/24

Datum:28.10.2024.godine

GRAD ZAVIDOVIĆI
GRADONAČELNIK

-Služba za upravu društvenih djelatnosti,
pitanja boraca i opću upravu -

PREDMET: Zahtjev za hitno postupanje, dostavlja se

VEZA : Vaš akt br. 04-45-15/24-AP-260 od 16.10.2024. godine.

Dana 21.10.2024. godine, u JU „Dom zdravlja“ Zavidovići zaprimljen je Vaš akt, broj: 04-45-15/24-AP-260 od 16.10.2024. godine, u kojem navodite da su sredstva, koja su doznačena Zaključkom Gradonačelnika Grada Zavidovići, broj:02-11-1155/24-AP-4 od 03.10.2024.godine u iznosu od 22.500,00 KM za pružanje zdravstvenih usluga penzionerima (treća kvartalna uplata u 2024. godini), namijenjena za kvartal oktobar-decembar, da ne pravimo „liste čekanja“ za pružanje besplatnih usluga penzionerima, te da se o mogućnosti korištenja ove vrste pomoći ne može govoriti do usvajanja Budžeta za 2025. godinu.

Članom 32. stav 1., Odluke o izvršavanju Budžeta Grada Zavidovići, koju je donijelo Gradsko vijeće Zavidovići na 20. sjednici održanoj dana 28.12.2023. godine, propisano je da se sredstva utvrđena u Razdjelu 13 Glava 208 Budžeta, pozicija „Tekući transfer JU „Domu zdravlja“ za liječenje i pružanje zdravstvenih usluga penzionerima“, koriste na osnovu akata koje donosi Gradonačelnik.

Prije svega, želimo Vas podjestiti, premda biste Vi to svakako trebali imati na umu, da je Transfer JU „Domu zdravlja“ za liječenje i pružanje zdravstvenih usluga penzionerima, redovan transfer, namijenjen penzionerima kao jednoj od najranjivijih socijalnih kategorija, koji se u budžetu Grada Zavidovići, odnosno prethodno Općine Zavidovići, nalazi još od 2007. godine, otkad se redovno i izvršava. Spomenuti transfer, za cilj ima da se iz budžeta lokalne zajednice, penzionerima sa područja naše lokalne zajednice, omogući besplatno obavljanje određenih zdravstvenih usluga preporučenih za obavljanje u trećoj životnoj dobi, a koje nisu finansirane od strane nadležnog zavoda zdravstvenog osiguranja, te se bez podrške iz budžeta, mnogi penzioneri ne bi odlučili izvršiti neke iznimno važne preventivne preglede.

Ostavljajući prostora vjerovanju da je riječ o pogrešci u Vašem dopisu, broj: 04-45-15/24-AP-260 od 16.10.2024. godine, te da ipak nemate namjeru jednostrano ukinuti Budžetnom planirano finansiranje iznosu od 22.500,00 KM, za pružanje zdravstvenih usluga penzionerima, nadamo se da ćete promptno reagovati i ispraviti svoju „pogrešku“, za koju iskreno želimo vjerovati da je slučajna.

Činjenica je da su u Budžetu Grada za 2024. godinu („Službeni glasnik Grada Zavidovići“, broj: 13/23), na Tekućem transferu Domu zdravlja za liječenje i pružanje zdravstvenih usluga penzionerima za 2024.godinu planirana sredstva u iznosu od 90.000,00

KM (dakle 22.500,00 KM za svako od četiri tromjesečja), da postoje Kriteriji za utrošak sredstava sa tekućeg transfera JU „Dom zdravlja“ Zavidovići za liječenje penzionera i pružanje zdravstvenih usluga penzionerima, broj: 02-11-1089/24-AP-2 od 06.05.2024. godine, gdje je u članu 4., propisano da će planirana sredstva biti odobravana zaključkom Gradonačelnika Grada Zavidovići i isplaćivana po zahtjevu JU „Dom zdravlja“ Zavidovići kvartalno, te da se za jedan kvartal planira realizacija u iznosu od 22.500,00 KM, te da su zaključcima Grada Zavidovićidosad izvršene uplate tri tranše za pružanje zdravstvenih usluga penzionerima u iznosu od 22.500,00 KM, što ukupno iznosi 67.500,00 KM u 2024. godini, a ne planiranih 90.000,00 KM. Također, činjenica je i da je uplata kasnila zbog kasno usvojenih Kriterija za utrošak sredstava sa tekućeg transfera JU „Dom zdravlja“ Zavidovići za liječenje penzionera i pružanje zdravstvenih usluga penzionerima, broj: 02-11-1089/24-AP-2 od 06.05.2024. godine, koje donosi Gradska uprava, a ne JU „Dom zdravlja“ Zavidovići, koja svoje obaveze prema penzionerima revnosno izvršava.

Odluka o tome da li će JU „Dom zdravlja“ Zavidovići nastaviti praviti „liste čekanja“ svakako neće biti donešena u zgradi Gradske uprave, već u Upravi ove zdravstvene ustanove, kao što će i odluka o tome da li će Grad Zavidovići, čijim je Budžetom za 2024. godinu planirano finansiranje pružanje zdravstvenih usluga penzionerima, izvršiti svoju obavezu spram ove socijalne kategorije, biti donesena od strane nadležnih organa Grada Zavidovići.


U svakom slučaju, ukoliko ne dođe do cjelovitog izvršenja planiranog tekućeg transfera JU „Domu zdravlja“ za liječenje i pružanje zdravstvenih usluga penzionerima, javnost će vrlo brzo biti upoznata o ovim dešavanjima, te će imati priliku na osnovu cjelovite informacije, zaključiti ko je i usljed kakvih poriva, nakon 17 godina, odlučio jednostrano ukinuti finansiranje pružanja zdravstvenih usluga penzionerima.

Iskreno se nadamo da ćete prepoznati Vašu pogrešku, te **HITNO POSTUPITI** po ovom našem dopisu i u najkraćem mogućem roku obavijestiti nas o nastavku redovnog toka daljih aktivnosti na četvrtoj tranši za pružanje zdravstvenih usluga penzionerima. U protivnom, reagovat ćemo hitnije nego što biste se nadali, te postupiti kako nam savjest i službena dužnost nalažu, kako bismo zaštitili interese ove javne zdravstvene ustanove i građana zbog kojih smo osnovani, uključujući dakako i penzionere za koje je planirano 90.000,00 KM za pružanje besplatnih usluga u Budžetu Grada Zavidovići za 2024. godinu.

S poštovanjem!

PRIPREMIO:

Amir Tursić, dipl. pravnik



DOSTAVLJA SE:

Naslovu

Gradonačelnik (na znanje)

a/a

DIREKTOR:

Hadžić dr. Amira,
specijalistička radiologije

